



“উল্লেখযোগ্য তথ্য

এবং

মূল্য সংবেদনশীল তথ্য প্রকাশ নীতিমালা, ২০২৩ ”

**(Principles on Disclosure
of
Material Information
and**

Price Sensitive Information, 2023)

❑ ভূমিকাঃ

বাংলাদেশ সিকিউরিটিজ অ্যান্ড এক্সচেঞ্জ কমিশনের গত ২৮ ডিসেম্বর, ২০২২ তারিখের প্রজ্ঞাপন নং-বিএসইসি/সিএমআরসিডি/২০২১-৩৯৬/৫২/প্রশাসন/১৪০ এর নির্দেশনা মেনে গ্লোবাল ইস্যুরেন্স লিমিটেড “ উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা” (Principles on Disclosure of Material Information and Price Sensitive Information) নামে একটি নীতিমালা প্রনয়ন করেছে।

❑ উদ্দেশ্যঃ

এই নীতিমালার উদ্দেশ্য হল বাংলাদেশ সিকিউরিটিজ অ্যান্ড এক্সচেঞ্জ কমিশনের (বিএসইসি) প্রজ্ঞাপন (সুবিধাভোগী ব্যবসা নিষিদ্ধকরণ) বিধিমালা, ২০২২ এর নির্দেশনা এবং বিধি ৩(২) পরিপালন করা। এই নীতিমালায় বর্ণিত বিধি-বিধান উল্লেখযোগ্য তথ্য এবং মূল্য সংবেদনশীল তথ্য প্রকাশে প্রযোজ্য হবে।

❑ সংক্ষিপ্ত শিরোনামঃ

এই নীতিমালাটি “ গ্লোবাল ইস্যুরেন্স লিমিটেড উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা, ২০২৩ ”(Principles on Disclosure of Material Information and Price Sensitive Information) নামে অভিহিত হবে।

❑ সংজ্ঞাঃ

- (ক) “কোম্পানি” অর্থ গ্লোবাল ইস্যুরেন্স লিমিটেড;
- (খ) “কমিশন” অর্থ বাংলাদেশ সিকিউরিটিজ অ্যান্ড এক্সচেঞ্জ কমিশন;
- (গ) “মূল্য সংবেদনশীল তথ্য” বলতে (সুবিধাভোগী ব্যবসা নিষিদ্ধকরণ) বিধিমালা, ২০২২ এর বিধি ৩ এর উপ-বিধি (১) এ বর্ণিত তথ্যাবলীকে বুঝাবে।
- (ঘ) “উল্লেখযোগ্য তথ্য” অর্থ এমন তথ্য, যাহা একজন যুক্তিসংগত বিনিয়োগকারীর বিনিয়োগ সিদ্ধান্ত নেয়ার ক্ষেত্রে গুরুত্বপূর্ণ বিবেচিত হইতে পারে;

❑ মূল্য সংবেদনশীল তথ্যঃ

মূল্য সংবেদনশীল তথ্য বলতে নিম্নবর্ণিত তথ্যাবলীকে বুঝাবে-

১. আর্থিক অবস্থা সম্পর্কিত প্রতিবেদন, আর্থিক অবস্থার ফলাফল বা এতদসংক্রান্ত মৌলিক তথ্য;
২. লভ্যাংশ ও কর্পোরেট ঘোষণা সংক্রান্ত তথ্য;
৩. কর্পোরেট কাঠামো পরিবর্তন সংক্রান্ত তথ্য; যথা- একীভূতকরণ, বিভক্তিকরণ (Demerger), অধিগ্রহণ, অবসায়ন, রূপান্তর বা হস্তান্তর সংক্রান্ত তথ্য;
৪. পুজি কাঠামো (Capital Structure) পরিবর্তন সংক্রান্ত তথ্য;
৫. ব্যবসায় কার্যক্রম সম্প্রসারণ, পরিবর্তন, ইত্যাদি সম্পর্কিত তথ্য;
৬. ফান্ড ব্যবস্থাপনা ও ফান্ডের কাঠামোগত পরিবর্তন সম্পর্কিত তথ্য;
৭. কমিশন কর্তৃক প্রণীত বা অনুমোদিত বা জারীকৃত অন্য কোনো বিধিমালা বা প্রবিধানমালা বা আদেশ বা নির্দেশ বা প্রজ্ঞাপনে মূল্য সংবেদনশীল তথ্য হিসেবে নির্ধারিত কোনো তথ্য;
৮. কমিশন কর্তৃক সময় সময় সরকারি গেজেটে জারীকৃত প্রজ্ঞাপন দ্বারা নির্ধারিত অন্য কোনো তথ্য।

❑ মূল্য সংবেদনশীল তথ্য ও উল্লেখযোগ্য তথ্য প্রকাশঃ

- (১) অত্র কোম্পানি বাংলাদেশ সিকিউরিটিজ অ্যান্ড এক্সচেঞ্জ কমিশন এর (সুবিধাভোগী ব্যবসা নিষিদ্ধকরণ) বিধিমালা, ২০২২ এর বিধি ৩ উপ-বিধি (২) এর নির্দেশনা অনুসরণপূর্বক উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা (Principles of Disclosure of Material Information and Price Sensitive Information) নিজস্ব ওয়েবসাইটে প্রকাশ করবে।

- (২) অত্র কোম্পানি বাংলাদেশ সিকিউরিটিজ অ্যান্ড এক্সচেঞ্জ কমিশন এর (সুবিধাভোগী ব্যবসা নিষিদ্ধকরণ) বিধিমালা, ২০২২ এর বিধি ৩(১) অনুসরণ পূর্বক মূল্য সংবেদনশীল তথ্য, একই বিধিমালার বিধি ৬ মোতাবেক এবং তফসিল-ক অনুসরণ পূর্বক উল্লেখযোগ্য তথ্য (Material Information) নিজস্ব ওয়েবসাইটে প্রকাশ করবে।
- (৩) অত্র কোম্পানি বাংলাদেশ সিকিউরিটিজ অ্যান্ড এক্সচেঞ্জ কমিশন এর (সুবিধাভোগী ব্যবসা নিষিদ্ধকরণ) বিধিমালা, ২০২২ এর বিধি ৩ উপ-বিধি (৪) অনুযায়ী কমপক্ষে বিগত ৩ (তিন) বছরে প্রকাশিত সকল মূল্য সংবেদনশীল তথ্য (Price Sensitive Information) ও উল্লেখযোগ্য তথ্য (Material Information) নিজস্ব ওয়েবসাইটে সংরক্ষণ করবে।
- (৪) কমিশন, সরকারি গেজেটে প্রকাশিত আদেশ দ্বারা, অন্য কোন তথ্যকেও মূল্য সংবেদনশীল তথ্য বা উল্লেখযোগ্য তথ্য হিসেবে নির্ধারণ করতে পারবে। যদি কমিশন তা নির্ধারণ করে তবে অত্র কোম্পানি সে মতে কাজ করবে।

□ মূল্য সংবেদনশীল তথ্য সরবরাহের উপর বাধা নিষেধ।-

- (১) আপাতত বলবৎ অন্য কোনো আইন, কোম্পানির সংঘবিধি বা ফান্ডের ট্রাস্ট দলিল বা কোম্পানি বা ফান্ডের ক্ষেত্রে প্রযোজ্য অন্য কোনো বিধি-বিধানের প্রয়োজন ব্যতীত কোনো সুবিধাভোগী কোনো তালিকাভুক্ত সিকিউরিটির বা তালিকাভুক্তির জন্য আবেদনকৃত কোনো সিকিউরিটির বা সংশ্লিষ্ট নিয়ন্ত্রণকারী প্রতিষ্ঠানের নিকট অনুমোদনের জন্য পেশকৃত কোনো অপ্রকাশিত মূল্য সংবেদনশীল তথ্য অন্য কাহারও নিকট প্রকাশ বা সরবরাহ করবে না।
- (২) কমিশন, সরকারি গেজেটে প্রকাশিত আদেশ দ্বারা, মূল্য সংবেদনশীল তথ্য বা উল্লেখযোগ্য তথ্য প্রকাশ বা সরবরাহের পদ্ধতি নির্ধারণ করতে পারবে। যদি কমিশন তা নির্ধারণ করে তবে অত্র কোম্পানি সে মতে কাজ করবে।

□ মূল্য সংবেদনশীল তথ্য সরবরাহের পদ্ধতি :-

- (১) অত্র কোম্পানি উহার কোনো মূল্য সংবেদনশীল তথ্য সংশ্লিষ্ট বিষয়ে সিদ্ধান্ত গ্রহণ বা সংশ্লিষ্ট প্রাথমিক নিয়ন্ত্রণকারী প্রতিষ্ঠানের অনুমোদনের জন্য প্রস্তাব প্রেরণের নিমিত্ত সিদ্ধান্ত গ্রহণ এর ২ (দুই) ঘন্টার মধ্যে কিংবা তথ্যটি উহার গোচরে আসার তারিখেই তাৎক্ষণিকভাবে উহার চেয়ারম্যান, প্রধান নির্বাহী কর্মকর্তা বা কোম্পানির সচিব এর স্বাক্ষরে লিখিতভাবে একই সাথে কমিশন এবং সংশ্লিষ্ট স্টক এক্সচেঞ্জ এর নিকট ই-মেইল, ফ্যাক্স, ডিজিটাল সাবমিশন প্ল্যাটফর্ম বা বিশেষ বার্তা বাহক মারফত, ক্ষেত্র বিশেষে কুরিয়ার সার্ভিসযোগে প্রেরণ করবে; এবং
উক্ত তথ্য বহুল প্রচারিত দুইটি দৈনিক পত্রিকায় (একটি বাংলা এবং অপরটি ইংরেজী) এবং একটি অনলাইন (Online) পত্রিকায় অবিলম্বে প্রকাশনা নিশ্চিত করবে এবং একইসাথে ওয়েবসাইটে প্রকাশ করবে।
- (২) অত্র কোম্পানি মূল্য প্রভাবিত করিবার উদ্দেশ্যে কোনো মিথ্যা বা অসত্য মূল্য সংবেদনশীল প্রকাশ করবে না কিংবা মিথ্যা বা অসত্য তথ্য সরবরাহ বা প্রকাশে কোনো ব্যক্তিকে প্ররোচিত করবে না।
- (৩) অত্র কোম্পানি কর্তৃক প্রকাশিত তথ্যটিতে পরিচালনা পর্ষদের সিদ্ধান্ত গ্রহণের তারিখ ও সময়, কিংবা ক্ষেত্রমতে তথ্যটি উহার গোচরে আসার তারিখ উল্লেখ করবে।
- (৪) অত্র কোম্পানির মূল্য সংবেদনশীল তথ্য সম্পর্কিত কোনো বিষয়ে উহার সংশ্লিষ্ট নিয়ন্ত্রণকারী কর্তৃপক্ষের অনুমোদনের জন্য ব্যবস্থাপনা কর্তৃপক্ষ কর্তৃক প্রস্তাবিত হইলে, কোম্পানির ব্যবস্থাপক্ষকে নিয়ন্ত্রণকারী কর্তৃপক্ষের নিকট অনুমোদনের জন্য প্রস্তাব প্রেরিত হইয়াছে মর্মে সংশ্লিষ্ট মূল্য সংবেদনশীল তথ্যের ঘোষণায় উল্লেখ করিতে হইবে এবং উক্ত বিষয়ে নিয়ন্ত্রণকারী কর্তৃপক্ষের অনুমোদন বা সিদ্ধান্ত প্রাপ্তির ০২ (দুই) ঘন্টার মধ্যে (সুবিধাভোগী ব্যবসা নিষিদ্ধকরণ) বিধিমালা, ২০২২ এর বিধি (৬) এর উপ-বিধি (১) মোতাবেক পুনরায় মূল্য সংবেদনশীল তথ্য প্রকাশ নিশ্চিত করবে।
- (৫) সংশ্লিষ্ট স্টক এক্সচেঞ্জ উক্ত তথ্য পাওয়া মাত্র উহা স্টক এক্সচেঞ্জ ওয়েবসাইটে প্রকাশ, ট্রেডিং মনিটর বা অন্য কোনো অনুমোদিত মাধ্যমে প্রচার করবে।
- (৬) যে কোন ধরনের অতিরঞ্জন এড়াইবার জন্য সহজ ও সাবলীল ভাষায় মূল্য সংবেদনশীল তথ্য প্রকাশ করবে।
- (৭) মূল্য সংবেদনশীল তথ্য সম্পর্কিত বিষয়াদির ঘটনা পরিক্রমা একটি ডিজিটাল ডাটাবেইজে সংরক্ষণ করবে।

□ উল্লেখযোগ্য তথ্যঃ

মূল্য সংবেদনশীল তথ্য ব্যতীত নিম্নবর্ণিত অন্য সকল তথ্য উল্লেখযোগ্য তথ্য (Material Information), যা উহার দাপ্তরিক ওয়েবসাইটে প্রকাশ করবে, যথা:-

১। আর্থিক অবস্থার পরিবর্তন সংক্রান্ত প্রভাবক, যেমন :-

- (ক) আর্থিক বিবরণীর পরিবর্তন, যেমন-আয়, ব্যয়, নগদ প্রবাহ, প্রাপ্য দায় বা সম্পদ ইত্যাদির উল্লেখযোগ্য সম্পদের পুনর্মূল্যায়ন বা উল্লেখযোগ্য হ্রাস বৃদ্ধি বিষয়ক কোনো তথ্য বা বিবৃতি বা মন্তব্য;
- (খ) আর্থিক বিবরণীর নিম্নোক্ত তুলনামূলক তথ্যাদি;
 - (অ) শেয়ার/ইউনিট প্রতি আয়;
 - (আ) শেয়ার/ইউনিট প্রতি নীট পরিচালনাগত নগদ প্রবাহ;
 - (ই) শেয়ার/ইউনিট প্রতি নীট সম্পদ মূল্য;
- (গ) ইস্যুর অথবা ফান্ডের সম্পদের মূল্য অথবা সম্পদের সংমিশ্রণের উল্লেখযোগ্য পরিবর্তন;
- (ঘ) প্রভিশন সংরক্ষণ সম্পর্কিত সংশ্লিষ্ট ইস্যুয়ারের নিয়ন্ত্রণকারী কর্তৃপক্ষ কর্তৃক কোনো বিশেষ নির্দেশনা বা পূর্বে প্রদত্ত কোনো বিশেষ নির্দেশনার কোনো পরিবর্তন; এবং
- (ঙ) ইস্যুর অথবা ফান্ডের একাউন্টিং পলিসির কোনো পরিবর্তন, ইত্যাদি।

২। কর্পোরেট ঘোষণা সংক্রান্ত তথ্যাদি, যেমন :-

- (ক) লভ্যাংশ সংক্রান্ত যে কোনো সিদ্ধান্ত;
- (খ) সিকিউরিটিহোল্ডারগণকে রাইট, বোনাস ইস্যুর ঘোষণা বা ইস্যু করা বা অনুরূপ সুবিধা প্রদানের সিদ্ধান্ত;
- (গ) বিনিয়োগকারীদের প্রাপ্যতা সম্পর্কিত কর্পোরেট ঘোষণা বা অন্য কোনো তথ্য; এবং
- (ঘ) লভ্যাংশ বিতরণ পলিসি পরিবর্তন, ইত্যাদি।

৩। কর্পোরেট কাঠামো পরিবর্তন সংক্রান্ত তথ্যাদি, যেমন :-

- (ক) বিদ্যমান সম্পদের ৫% বা তাহার বেশি কোনো সম্পদের অধিগ্রহণ বা অবসায়ন;
- (খ) কোম্পানির সহিত অন্য কোম্পানির একীভূতকরণ বা কোনো কোম্পানির উল্লেখযোগ্য শেয়ার অর্জন ও অধিগ্রহণ, ইত্যাদি;
- (গ) কোম্পানির কোনো ইউনিটকে বিভক্তিকরণ (Demerger);
- (ঘ) কোম্পানির কোনো ইউনিটের রূপান্তর বা অবসায়ন;
- (ঙ) ক্যাপিটাল রিঅর্গানাইজেশন বা একীভূতকরণ বা বিভক্তিকরণের মাধ্যমে কর্পোরেট কার্যক্রমের পরিবর্তন; (চ) কোনো কোম্পানির কর্তৃত্ব গ্রহণ (টেক-ওভার) প্রস্তাব বা অভ্যন্তরীণ সেবার অধিগ্রহণ প্রস্তাব;
- (ছ) কোম্পানির নিয়ন্ত্রণে প্রভাব ফেলতে পারে এইরূপ মালিকানার পরিবর্তন; এবং
- (জ) নাম বা ঠিকানা পরিবর্তন, ইত্যাদি।

৪। পুঁজি কাঠামো পরিবর্তন সংক্রান্ত তথ্যাবলি, যেমন :-

- (ক) সিকিউরিটির প্রাইভেট বা পাবলিক বা রাইটস অফার অথবা এর পুঁজি কাঠামোর পরিবর্তন সংক্রান্ত কোনো সিদ্ধান্ত;
- (খ) সিকিউরিটি বা ফান্ডের ইউনিট পরিকল্পিতভাবে পুনঃক্রয় বা রিডেমপশন;

(গ) যে কোনো শেয়ার কনসোলিডেশন, শেয়ার বিনিময়, কোনো সিকিউরিটিকে ইকুইটি সিকিউরিটিতে রূপান্তর অথবা ঋণপত্রকে শেয়াও রূপান্তর সংক্রান্ত সিদ্ধান্ত; এবং

(ঘ) সিকিউরিটিহোল্ডারদের অধিকার সংক্রান্ত উল্লেখযোগ্য পরিবর্তন, ইত্যাদি।

৫। ব্যবসা কার্যক্রমের সম্প্রসারণ, পরিবর্তন ইত্যাদি সংক্রান্ত তথ্যাদি, যেমন :-

(ক) কোম্পানির প্রযুক্তি, উৎপাদন বা স্থাপনা সম্পর্কিত উল্লেখযোগ্য কোনো উন্নয়ন বা পরিবর্তন;

(খ) উল্লেখযোগ্য পুঁজি বিনিয়োগ অথবা প্রতিষ্ঠানের উদ্দেশ্যের উল্লেখযোগ্য পরিবর্তন;

(গ) উল্লেখযোগ্য নতুন চুক্তি, উৎপাদন, প্যাটেন্ট, সেবা অথবা ব্যবসায়িক পরিবর্তন;

(ঘ) দীর্ঘমেয়াদী অনাদায়ী তহবিলের উল্লেখযোগ্য আদায়;

(ঙ) প্রধান নির্বাহী, সিইও, সিএফও, কোম্পানি সচিবসহ পরিচালনা পর্ষদ এর পরিবর্তন বা পদত্যাগ বা পদচ্যুতি;

(চ) বিধিবদ্ধ নিরীক্ষক বা কর্পোরেট গভর্নেন্স কমপ্লায়েন্স অডিটর, ক্রেডিট রেটিং, কোম্পানির পরিবর্তন;

(ছ) লিগ্যাল প্রসেডিংস শুরুকরণ বা রেগুলেটরী বিষয়াদির উন্নয়ন অথবা কোনো উল্লেখযোগ্য রায় বা আদেশ;

(জ) স্টক এক্সচেঞ্জ হইতে সিকিউরিটি বা ফান্ডের ইউনিটের তালিকাচ্যুতি বা এক ক্যাটাগরি হইতে অন্য ক্যাটাগরিতে পরিবর্তন;

(ঝ) উল্লেখযোগ্য ম্যানেজমেন্ট কন্ট্রাক্ট, ইনভেস্টরস রিলেশন এগ্রিমেন্ট, সার্ভিস এগ্রিমেন্ট, অথবা রিলেটেড পার্টি ট্রানজেকশন যাহা আর্থিক বিবরণীকে উল্লেখযোগ্যভাবে প্রভাবিত করিতে পারে এইরূপ কোনো চুক্তি;

(ঞ) কোনো স্থায়ী সম্পত্তি ক্রয় বিক্রয়ের সিদ্ধান্ত বা প্লান্ট বা মেশিনারীর সংস্কার বা উন্নয়ন বা সম্প্রসারণ (BMRE) বা নতুন ইউনিট স্থাপন সংক্রান্ত তথ্য; এবং

(ট) আন্তঃকোম্পানি বা সাবসিডিয়ারী বা সহযোগী প্রতিষ্ঠানের মধ্যে উল্লেখযোগ্য অগ্রিম বা ঋণ প্রদান বা গ্রহণ বা পরিচালকের সাথে ঋণ আদান-প্রদান ইত্যাদি।

৬। ঋণ ব্যবস্থাপনা সম্পর্কিত তথ্যাদি, যেমন :-

(ক) পরিশোধিত মূলধন বা নীট সম্পদ মূল্যের মধ্যে যাহা অধিক তাহার ২৫% বা তাহার বেশি পরিমাণ ঋণ গ্রহণ ও পরিশোধ;

(খ) উল্লেখযোগ্য সম্পদ দায়বদ্ধকরণ অথবা দায়মুক্তকরণ;

(গ) কোনো ব্যাংক বা পাওনাদার বা ঋণপত্রের দায় বা দেনা পরিশোধে ০৬ (ছয়) মাসের অধিক সময়ের ব্যর্থতা;

(ঘ) উল্লেখযোগ্য নতুন ঋণ চুক্তি; এবং

(ঙ) বৈদেশিক ঋণ চুক্তি বা বিনিয়োগ চুক্তি, ইত্যাদি।

৭। ফান্ড ব্যবস্থাপনা ও কাঠামো পরিবর্তন সম্পর্কিত তথ্যাদি, যেমন :-

(ক) ফান্ডের মেয়াদ বর্ধন-কর্তন;

(খ) ফান্ডের অবসায়ন;

(গ) ফান্ডের রূপান্তর;

(ঘ) কোনো একক সিকিউরিটিতে ফান্ডের ১০% বা তাহার বেশি বিনিয়োগ;

(ঙ) কোনো উল্লেখযোগ্য বিনিয়োগ নগদায়নে লাভ বা ক্ষতি; এবং

(চ) ফান্ডের ট্রাস্ট্র গঠন, ট্রাস্ট দলিলের কোনো পরিবর্তন, ইত্যাদি।

৮। অন্যান্য, যেমন:-

- (ক) কোনো গুরুত্বপূর্ণ চুক্তি স্বাক্ষর বা পূর্বে ঘোষিত/স্বাক্ষরিত চুক্তি বাতিল বা উল্লেখযোগ্য সংশোধন;
- (খ) কোম্পানি বা ইস্যুয়ারের উল্লেখযোগ্য কোনো সম্পদের ক্ষতি বা উহার ভাবমর্তি ক্ষুণ্ণকারী কোনো ঘটনা;
- (গ) পূর্বে ঘোষিত কোনো প্রকল্প বাতিল বা উহার উল্লেখযোগ্য সংশোধন; এবং
- (ঘ) ইস্যুয়ার বা ফান্ডের অডিটর কর্তৃক কোয়ালিফাইড প্রতিবেদন দাখিল, ইত্যাদি।

□ সংশোধন/পরিবর্তনঃ

কোন প্রযোজ্য আইন বা প্রবিধানের পরিবর্তনের পরিপ্রেক্ষিতে কোন পরিবর্তন/সংশোধনের প্রয়োজন হলে, প্রবিধানের নীতির বিধানগুলিকে দেশের আইনের সাথে সামঞ্জস্যপূর্ণ করার জন্য যথাসময়ে সংশোধন করা হবে। এই ধরনের সংশোধিত নীতি পর্যালোচনা ও অনুমোদনের জন্য পর্যদ সভায় উপস্থাপন করা হবে।